



LIEFDE VIR MENSE

HÊ ANDER LIEF SOOS JESUS LIEFHET

DEEL 3 VAN 'N REEKS VAN DRIE

*Lewe in liefde, soos Christus ons ook liefgehad
en om ons ontwil sy lewe as 'n offergawe gegee het,
ja, 'n offer wat vir God aanneemlik was.*

(Efesiërs 5:2)

24-7 GEBED VIR HERLEWING 14-20 SEPTEMBER 2026

Sluit by ons aan vir deel drie van 'n reeks van drie terwyl ons bid dat die Heilige Gees ons harte sal verander en ons sal leer om ander lief te hê soos Jesus hulle liefhet. Die liefde van Jesus verander hoe ons mense sien en op hulle reageer. Sy liefde betoon medelye, trek niemand voor nie, vergewe vrylik, dien nederig, offer gewillig op en tree met geduld op. Namate Sy liefde ons harte vul, word dit tasbaar deur ons gesindheid, woorde en daede, en trek dit ander na Hom.

Vanaf **11-21 September** sluit ons ook aan by die [Tien Dae-inisiatief](#), (Tien Dae van Ontslag) en roep ons alle gebedshuise op om Jesus opnuut te soek deur nederigheid, heiligheid, eenheid en opregte toewyding na te streef. Mag **hierdie hernude strewe na Christus Sy Kerk verander** en Hom onder die nasies bekend maak

MAANDAG 14 SEPTEMBER 2026

BETOON LIEFDE MET MEDELYE

Toe Hy die menigtes sien, het Hy hulle innig jammer gekry... (Matteus 9:36).

Jesus het verby mense se uiterlike voorkoms gekyk en met diepe medelye op hulle behoeftes gereageer.

Kom ons bid

- Vra die Heilige Gees om jou hart met Jesus se medelye te vul, jou oë te open om mense te sien soos Hy hulle sien en jou te beweeg om onverskilligheid te oorkom en met opregte liefde en omgee te reageer.

Praktiese wenk

Let iemand wat swaar kry op. Luister sonder om te jaag en oorweeg 'n praktiese manier waarop jy die persoon kan ondersteun.

TIEN DAE VAN ONTSAG

DAG 4: STREEF VERSOENING NA

Want Hy is ons vrede, Hy wat albei een gemaak en die middelmuur van skeiding afgebreek het. (Efesiërs 2:14, AOV).

Kom ons bid

- Vra die Here Jesus om vooroordeel, vrees en vyandigheid in jou hart af te breek.

- Bid vir die Kerk in **Tasjkent, Islamabad, Karachi, Teheran en Kaboel** om versoening in Christus na te streef, verdeeldheid te oorwin en Sy vergifnis, vrede en eenheid kragtig uit te leef.

TIEN DAE GEBEDSGIDS 2026

DINSDAG 15 SEPTEMBER 2026

LIEFDE SONDER PARTYDIGHEID

"Waarlik, ek begryp nou eers dat God nie onderskeid maak nie." (Handelinge 10:34).

Die Vader se liefde strek oor sosiale, kulturele en persoonlike grense heen, sonder voortrekkery.

Kom ons bid

- Vra die Here om enige vooroordeel of voortrekkery in jou hart bloot te lê en jou in staat te stel om mense sonder onderskeid lief te hê, en Sy hart te weerspieël teenoor dié wat anders is, misgekyk word of moeilik is om te aanvaar.

Praktiese wenk

Maak doelbewus kontak met iemand buite jou gewone kring. Toon opregte belangstelling en laat die persoon welkom en gewaardeer voel.

TIEN DAE VAN ONTSAG

DAG 5: STREEF SY KONINKRYK EN SY GERECHTIGHEID NA

Maar soek eers die koninkryk van God en Sy gerechtigheid..." (Matteus 6:33, AOV).

Kom ons bid

- Vra die Heilige Gees om 'n diepe honger na Christus se Koninkryk in jou wakker te maak en jou in staat te stel om Sy gerechtigheid en doel bo jou eie na te streef.
- Bid vir gelowiges in **Mekka, Kaïro, Dubai, Bagdad en Damaskus** om God se Koninkryk en gerechtigheid heelhartig na te streef en Sy Koninkryk met vrymoedigheid onder die onbereiktes te bevorder.

TIEN DAE GEBEDSGIDS 2026

WOENSDAG 16 SEPTEMBER 2026

HÊ LIEF DEUR VERGIFNIS

...vergewe mekaar soos God julle ook in Christus vergewe het. (Efesiërs 4:32).

God se vergifnis teenoor ons word die grondslag waaruit ons vergifnis aan ander betoon.

Kom ons bid

- Vra die Heilige Gees om enige onvergewensgesindheid in jou te openbaar en jou te bemagtig om oortredings vry te stel, te vergewe soos jy in Christus vergewe is en met genade eerder as bitterheid te reageer.

Praktiese wenk

Bring iemand wat jou seergemaak het voor die Here. Kies om te vergewe en weier om die oortreding telkens in jou gedagtes te herhaal.

TIEN DAE VAN ONTSAG

DAG 6: STREEF ONDERSKEIDING EN WAARHEID NA

"Laat hulle aan U toegewy wees deur die waarheid. U woord is die waarheid." (Johannes 17:17).

Kom ons bid

- Vra die Heilige Gees om 'n diep strewe na waarheid in jou wakker te maak en jou in staat te stel om misleiding te verwerp en met onderskeiding en integriteit te leef.
- Bid vir gelowiges in **Dar es Salaam, Khartoem, Djiboeti, Addis Abeba en Mogadisjoe** om Bybelse waarheid en onderskeiding na te streef, misleiding te verwerp en met Christusgelyke integriteit te leef.

[TIEN DAE GEBEDSGIDS 2026](#)

DONDERDAG 17 SEPTEMBER 2026

HÊ LIEF DEUR TE DIEN

...dien mekaar in liefde. (Galasiërs 5:13).

Jesus het liefde betoon deur ander nederig te dien eerder as om te verwag dat Hy gedien moet word.

Kom ons bid

- Vra die Here Jesus om Sy dienende hart in jou te vorm, selfsugtige ambisie te verwyder en jou in staat te stel om ander nederig en getrou te dien sonder om erkenning of beloning te soek.

Praktiese wenk

Doen iets nuttigs vir iemand sonder dat jy gevra word en sonder om erkenning of lof te verwag.

TIEN DAE VAN ONTSAG

DAG 7: SOEK SY TEENWOORDIGHEID

Vra na die HERE en sy sterkte; soek sy aangesig altyddeur. (Psalm 105:4, AOV).

Kom ons bid

- Vra die Heilige Gees om 'n diepe honger na Jesus se teenwoordigheid in jou wakker te maak en jou tot afwagterende gebed, aanbidding en dieper intimiteit met Hom te trek.
- Bid vir gelowiges in **Kano, Bamako, Lagos, Dakar en N'Djamena** om Jesus se teenwoordigheid heelhartig te soek, in Hom te bly en deur Sy teenwoordigheid verander, versterk en verenig te word.

[TIEN DAE GEBEDSGIDS 2026](#)

VRYDAG 18 SEPTEMBER 2026

HÊ LIEF MET OPOFFERING

Hiëraan weet ons wat liefde is: Jesus het sy lewe vir ons afgelê. (1 Johannes 3:16).

Jesus het getoon dat ware liefde bereid is om van jouself te gee ter wille van ander.

Kom ons bid

- Vra die Heilige Gees om jou van selfsug te bevry en jou Christusgelyke liefde te leer wat gewillig jou tyd, aandag en hulpbronne gee wanneer liefde vir ander persoonlike opoffering vra.

Praktiese wenk

Gee iets van jou eie gerief prys – tyd, gemak of hulpbronne – om in iemand anders se werklike behoefte te voorsien.

TIEN DAE VAN ONTSAG

DAG 8: STREEF DIE OES NA

"Bid dan die Here aan wie die oes behoort, om arbeiders uit te stuur vir sy oes." (Matteus 9:38).

Kom ons bid

- Vra die Here om Sy deernis vir die oes in jou wakker te maak en jou met vrymoedigheid te vul om Jesus te verkondig en verlorene te bereik.
- Bid vir gelowiges in **Parys, Londen, Istanbul, Moskou en Athene** om die oes na te streef en Jesus te vra om werkers uit te stuur en herleefde kerke op te rig wat dissipels maak.

[TIEN DAE GEBEDSGIDS 2026](#)

SATERDAG 19 SEPTEMBER 2026

HÊ LIEF MET GEDULD

Die liefde is geduldig... (1 Korintiërs 13:4).

God se geduldige liefde leer ons om genade te betoon wanneer mense ons teleurstel, frustreer of verontrief.

Kom ons bid

- Vra die Vader om jou met geduld te vul, sodat jy met genade kan reageer wanneer jou geduld beproef word en die karakter van Jesus deur jou woorde en optrede kan weerspieël.

Praktiese wenk

Wanneer iemand jou frustreer, stop voordat jy reageer. Kies 'n sagte antwoord en betoon genade.

TIEN DAE VAN ONTSAG

DAG 9: STREEF DIE VERVULLING VAN SY BELOFTES NA

Laat ons styf vashou aan die hoop wat ons bely, want God is getrou: Hy doen wat Hy beloof het. (Hebreërs 10:23).

Kom ons bid

- Vra die Heilige Gees om jou te versterk om Jesus met onwankelbare geloof na te streef, Sy Woord te vertrou en deur elke omstandigheid standvastig te bly.
- Bid vir die Kerk in **Mexikostad, São Paulo, Havana, Lima en Buenos Aires** om God se beloftes met onwrikbare geloof na te streef, vas te staan in Sy getrouheid en die Here Jesus met vrymoedigheid te verkondig.

[TIEN DAE GEBEDSGIDS 2026](#)

SONDAG 20 SEPTEMBER 2026

HÊ LIEF SOOS JESUS LIEFHET

"Soos Ek julle liefhet, moet julle mekaar ook liefhê." (Johannes 13:34).

Jesus roep sy dissipels om mekaar lief te hê soos Hy ons liefhet, as 'n sigbare getuigenis aan die wêreld.

Kom ons bid

- Vra die Heilige Gees om Christus se liefde deur jou gesindheid, woorde en daade te openbaar, sodat ander Jesus kan ontmoet deur die manier waarop jy hulle liefhet.

Praktiese wenk

Vra Jesus: **"Wie kan ek doelbewus liefhê?"** Reageer dan teenoor die persoon wat Hy in jou gedagtes bring.

TIEN DAE VAN ONTSAG

DAG 10: STREEF DIE WEDERKOMS VAN DIE HERE NA

Hy wat dit alles getuig, sê: "Ja, Ek kom gou!" Amen! Kom, Here Jesus! (Openbaring 22:20).

Kom ons bid

- Vra die Heilige Gees om jou uit geestelike selftevreidenheid wakker te maak, jou liefde vir Jesus te vernuwe en jou hart voor te berei om gereed vir Sy wederkoms te leef.
- Bid vir gesinne in **New York Stad, Los Angeles, Chicago, Toronto en Vancouver** om Jesus te soek, waaksaam vir Sy wederkoms te bly en die Evangelie met vrymoedigheid te verkondig.

[TIEN DAE GEBEDSGIDS 2026](#)
